

晉州志

晉志序

今夫彰往詔來蔚爲一方文
獻而羗邑人物賴以不朽者
其惟志乎蓋志與史同體國
有史編年紀事千百世世教
人心實式憑之羗邑有志亦

方隅之史也凡山川人物土
田貢賦以及風俗之淳漓禮
教之修廢忠孝節義之潛德
幽光無不畢具輜軒過而採
風悉得囊函以獻以成一代
之史志碩不綦重與但世以

代殊道因俗易幾缺既久文
獻無徵弋前徽而沉後鑑乃
長吏之羞也

章

自浙衢謫任

茲土甫下車首詢羈志知自

明季萬初年壽梓垂今百

有餘歲典章文物大半湮沒

卽欲勉圖纂輯補文獻之未
備第自慙謏陋恐不足以成
全書且簿書鞅掌軍需倥偬
每有志而未逮一日忽奉

上檄纂志維茲盛舉實獲我心
已乃謀諸學博謀諸寮佐謀

諸薦紳父老於博士弟子中
延二三謀野之士相與參酌
故乘采綴新聞分類標記比
事屬辭人有可傳 嚴而勿
濫事有足著 信而勿疑以
之彰往以之詔來而晉之人

與物海可資以不朽矣俾後
之觀者覽山川之險易土田
之肥瘠賦役之重輕乃可得
因革而修救考風俗之貞淫
禮教之興廢與夫忠孝節義
之潛德幽光乃有所感發而

興起且轉轉所至亦得上貢
風謠彙爲

昭代信史

章

庶幾藉手以無負

茲土矣若謂以載籍爲重以
儒術潤飾吏治此倪寬黃霸
之長也則吾豈敢

貴

康熙十四年乙卯夏日知晉
州事前浙江衢州府同知
推陞河南歸德府知府古
公郭建章題

晉州志後序

艷邑之有志猶國之有史家之有譜也志不綦重哉而無如守土者視爲迂而無當于治而賢士大夫又以爲泛而無切于已因循推委志幾廢矣則人物之賢否孰從而知山川之形勝孰從而考田賦之多寡風俗之淳漓孰從而徵實而取信焉晉之志自

明萬曆以迄于今架閣不修幾百年
所矣時移代易其間之可書可傳而
湮沒無聞者不知其幾州守郭公自
浙衢司馬陸歸德太守悞中文泐左
遷晉陽甫下車卽以修志爲已任而
維新庶政畏吏懷民益日執掌于吏
事而不暇及未幾奉

憲檄纂修公乃與郡博士及二三賢

豪長者叅酌考實更采輿論以綴新
聞務使事可傳于後世文不謬于古
人其難其慎蓋不敢以易心處之夫
事在一時而關乎百世可慢然已

耶則難之慎之誠是也久久乃編緝
成帙于是人物之賢否可知山川之
形勝可考而田賦之多寡風俗之淳
漓有所徵信而取實矣晉人曰請付

梨棗以彰信乘公曰否否軍需孔亟
日事徵求余實未揣心研究曷上之
郡伯然而後間劄劄氏焉

郡伯公曰事在千秋不厭慎重曷再
延名宿校訂公不以余爲不肖悞耳
虛名走役相迂付以重在余蚊負是
懼三四辭之不獲始受而讀之見其
文彩陸離剪裁精妙即使游夏何由

仰贊然千慮必有一得管窺豈遂無
見于是事之無裨于勸懲者去之人
之有關於風化者益之稍爲點定遂
成全書余于此不能無望于晉矣所
望于晉之賢大夫者克已勤民以宣
聖化所望于晉之士君子者勤學好問
以繼儒宗所望于晉之氓庶者務農
敦本安分守已以保身家庶幾志一

修而風俗丕變仰慰

聖天子纂修至意匪然者徒摭拾遺事
敷衍陳言以完修志之局非郡大夫
所以命余之意抑非余敢蹈僭越不
遜之心也爰爲叙以贅諸後

旨

康熙十四年秋孟之吉寓江南古梁

州浣花後學張祖詠謹撰

晉州志序

夫志也者志也方志是事而已欲
善之以有所取義作者之志也晉
之事大者見於春秋暨歷代諸史
學古者嘗聞其畧然其詳缺有間
矣自魏邑各有專書而風土人物
鉅細畢陳於是一方之文獻始具

蓋匪獨其事詳也卽義亦彰明較
著焉晉故有志訖明萬年間嗣
是垂及百載見聞散軼而紀述廢
不講毋亦首事者難其人乎何大
義之久湮也會五河思蓼郭公以
良二千石來刺是邦三載化洽有
頌襄城介者山陰廩者穀城魯山

明且惠者公退然不自滿也簿書
暇留意典籍謂舊志殘缺宜補所
未脩乃聘關子靖之網羅放失續
輯成書余得徧觀焉其文簡而明
其類嚴而悉庶幾郡無遺事歟公
曰是不惟其事惟其義鼓子國舊
矣自罷侯置守分領併隸不常所

治恒山上谷間境壤如錯絕長補
短將百餘里何以按籍如指諸掌
作圖經沿革疆域志疆理上應列
宿星分昴畢地控燕趙擅勝畿輔
問滹水之源環流東注接太行連
瀛海匪徒鼓山聳翠之區區作星
野形勝山川志水堅可渡而成於

說箭鏃留營而近於幻紀信著節
榮陽魏徵陪塋昭陵而墓於是乎
存傳信傳疑當有辨者古稱慷慨
悲歌今亦稍稍變易矣俗尚淳樸
猶有先王遺民焉作古蹟丘隴風
俗志金湯設險禦侮防患今自幸
河泝南徙郊岡多壘然我已先事

而爲之脩官既定宅嚮晉之陽中
國授室禮義相先有社稷焉屹如
其棲神所憑依功德不祧作城池
公署學校壇祠志秀良登進表厥
宅里遊曲城之市適鼓聚之野鳴
鷄吠狗民物頗盛

國家王命四達晉雖僻壤承流載道

有比矧前後之彬彬耶明經見謂
老成先正時乘驄馬貫八太學軍
國賴之讀仰山之詩文采風流奚
卽戎而噲伍斥爲三途並用視所
樹立刀筆吏不可爲公卿然歟否
歟作科第賓貢例監武胄吏胥志
仕宦望宰相進不由他途有志所

同文貞遇合匪關薦舉君臣一心
用光唐籍夫生無益於時沒不俎
豆其鄉非夫也晉魏以來率多顯
者勲蹟爛如作仕籍宦業志王言
寵賜渾渾噩噩典謨存焉惜魏收
良史不得起北齊諸人一辯其穢
臨平水汾陽之間豈無懷古而詠

行旅出途郵亭古渡必有過而問
焉者作坊表市集村堡津梁志冀

賦上錯人工修耳河伯不仁桑田

變遷庶矣未富生聚耗焉無魚鹵

孳牧羸蛤絲泉竹蓀之饒歲耕所

得竭蹶正供與繭絲盍保障哉作

戶口田賦土產志維王議禮九州

攸同畿南咫尺不遠天威諸在聖
賢之列爰暨明神祝史薦信無所
爲禱作朝賀祀典志晉國仕國夙
沙邈矣自餘擅名概於吏體與民
相見於公庭士相揖於黨序率屬
分職建官惟脩作官寮教職志文
重科名事業隨之恒山靜軒兩雄

揚名勝於風雅者乎作誥勅
紀述題詠志製辭禱天誠孝之至
廬墓封骨庸行而難趙毅闔門
靖難忠臣孝子節婦烈女具焉君
子識其大者以崇世教伏羲居貞
槩歸節取作孝行節義貞烈志古
事荒畧斷自周始晉乘故國史無

宣尼之筆削經生置之魯昭而降
更今千數百載聞所聞見所見忍
委諸荒烟蔓草乎聖哲之變仙釋
間出毀佛祠建靜輪其惑均焉三
教來久存而不論作事紀道釋寺
觀志凡十卷爲目四十條矣善是
之具於人事益猗詳焉非徒以存

文獻而巳屬之其人取義具在後
之覽者神而明之此良司牧之志
郡人士相與以有成者也於以紹
往緒詔來茲與春秋古史相表裏
意在斯乎是爲序

康熙十四年八月

日

賜進士出身詹事府正字郡人紀

撰撰

重修晉州志序

晉州古鼓子國漢魏

爲下曲陽元中統間

乃改今名蓋真定東

隅之重地也舊志云

鼓山聳翠潯水環清
背倚恒嶽肘扼陸川
亦可見形勝之大槩
矣而或者曰晉地壘
目平沙絕無蒼巖白

石參差擁映足供流
覽所謂左接瀛海右
擁太行俱非肘腋間
物徒虛語耳是殆不
朕聞之青烏家言山

巖之秀脉落平陽達
人曠觀俯視寰宇九
點煙耳各山大川何
必居籬落間乃爲已
物余爲諸生時曾入

州境見其民物熙洽
風俗淳厚桑麻遍野
絃誦有聲心竊美之
以爲一變至道此地
其庶幾也歟迨鼎革

以來聞地漸瘠民漸
困探丸者劫人於萑
苻衿佩者發咏於茗
華則又不勝慨嘆安
得良有司綏乂之以

復昔日之盛也乎會
州大夫

思蓼郭公來守是邦
拮据三載以子視民
以禮育士政清人和

魏月
四
百務犁舉因奉

撫軍諸司憲檄修輯

志書乃聘諸生關永

清等編次採訪學正

程思恭鄉紳紀澧等

叅訂考較大夫則修
飾潤色斟酌損益期
於至當書成問序於
余余讀而善之蓋志
卽一方之史也史才

甚難唐劉知幾謂有
三長五不可而又云
學才識世罕兼之故
史才少今觀志中有
綱有目分爲十卷體

裁較然而每款有引
有斷備規勸焉安饒

武三邑例有聯轄聽

其另修不相混淆見

統屬焉職官師長功

德可紀者褒其大槩
恕其疵瑕善善長而
惡惡短存厚道焉科
目仕宦孝義節烈有
關風化核諸典紀詢

諸父老確實無私示
鼓勵焉藝文惟擇其
有裨于治理者經制
則取其有切於民瘼
者而道釋二途原屬

異端非王化之所尚
附諸簡未以寓存而
不論之意豈不三長
之咸具也乎余因是
而有所感矣古今治

天下之大要吏治與
人才而已有吏治而
人才愈盛有人才而
吏治愈淳此

廟堂所宜懇懇加意也

卽如晉之人才指不
勝屈而唐之鄭國明
之恒山尤爲表表者
然鄭國受業于河汾
恒山授徒于書院其

學皆有所本矣學而
後吏爲良吏儒爲真

儒可以爲州縣之父
母亦可以爲天子之
大臣匪是則以寇萊

公之功業尚有不學
無術之譏然則學可
以不勉乎哉州大夫
之亟亟於修志也仕
而優則學之六指亦

所以化此州之士與
氓共沐浴於先哲先
民流風餘韻而徐求
所爲一變至道者豈
僅操觚染翰鋪張纂

組以應編摩之故事
而已耶夫以其學爲
志一州之書規模已
遠大如此若進而登
天祿奎章之閣睹金

匱石室之藏又何難
揚乾耿光大烈繼龍
門扶風之軌迹也余
故樂述而爲之弁其
端

康熙十五年歲在丙
辰日躔姬訾之次太
子太傅保和殿大學
士兼禮部尚書前太
子太保吏部尚書都

察院左都御史栢鄉
魏喬介撰

續修晉志序

修誌書而必俟之百年或數十年
後其間滲漏遺缺失傳者固多且
附會影似疑以亂正故知魚豕貽
誤其害更甚文獻之無徵也爲人
子孫者述其祖父行事無不條理
井然至於高曾則惟舊家有銘狀

可垂餘僅詢之遺聞率多約畧乃
一家中猶遠搜不若近考况郡邑
之大鄉不一村村不一姓安能不
積久而湮沒也求其不致湮沒莫
如勤修志書然所以因循不修者
或慮採訪失實以致慎重之思或
慮頭緒浩煩且苦剗剔之艱豈知

愈久則愈失實愈久則愈浩煩如
之何其不思也晉志修自康熙乙
卯閱今甫十五年耳支干旣易天
道民情亦已一變問俗者不無盛
衰淳漓之感焉其間宜增益者時
近事簡詢之紳士問之故老無不
瞭若指掌也卷不全增增止數則

甫開局而旋告竣也使後追溯修葺之時代而於予亦得置一座焉

則以因事就簡之思而得踵美增華之觀予滋厚幸矣至於或取諸筆載或述所目覩或立傳以紀官寮或紆文以明宦業則皆鄭戴二學博鄉紳韓君鏡張君雲程呂君

茶諸生則呂子叶瑞楊子劭張子
鏡劉子鐸也獨闢君永清未覩成
書輒先厭世筆墨猶新人琴足悼
是爲序

康熙二十九年歲次庚午孟冬中書
科中書改授今知晉州事古姚陳
祖法題

序

尚書載禹貢周禮列職方志
之所由來尚矣迨司馬子長
著列書傳班孟堅易爲地理
志而裨官野史亦復有風土
之記方輿之攷於是觀與邑

各有紀乘凡風土人物列若
指掌俾後人攤卷燎臆酌古
準今化民導俗確有成畫志
之有關於治誠綦重矣昔程
明道尹上元以修乘爲居官
第一朱紫陽守甯康先修郡

志良有以也晉魏有志明
治間郡守孫公玘隆慶間魏
守趙公翰萬厯間魏守容公
若玉相繼修葺越今百禩人
情物理大半不相蒙襲今問
俗觀風徵文考獻者漫無依

據詎不謂之闕典哉我

思蓼郭郡侯江南世家由黃堂
左遷視事茲土蒞任來百度
惟貞善政未易殫述常進恭
而語之曰志信史也鏡在券
來實式賴之不可以弗輯今

奉

憲檄纂修誌書乃公卽仰遵

憲臺之意設局具供悉出自俸

薪延鄉紳紀君澤九爲之校

讐廩生楊子文燦呂子叶瑞

爲之採訪關子永清爲之編

次恭亦備列參考共襄厥事

而

公手自裁訂據事立言詳其所當詳撰義正法畧其所當畧書以卷分彙以例別有典宥則不繁不縟表章論斷悉

準於麟經綱目使匪

公具班馬之才印程朱之心
烏能成茲鉅典乎方今

聖天子右文重學實錄記注次第
修舉復肇修一統志以彰無
疆惟休之烈而我公文學政

事卓絕一時不次以擢當以
此志爲左券恭猥以菲陋謬
廁儒羶欣逢盛筵遍觀厥成
敬綴數言於末簡亦附公之
書以傳不大有榮施也哉

峇

康熙十四年乙卯夏日晉郡
儒學學正舉人淑陽程思

恭謹撰

續修晉志序

昔朱紫陽蒞南康首先問志
賢者畱心文治誠若是汲汲
也余不佞待罪於晉七年矣
簿書鞅掌曾未暇修明典籍
抑又何哉蓋以晉志重修距

今未踰一紀言疆域則已正
言山川則已奠言土田貢賦
則有定額言人民物產則有
定數典禮具在風俗未改奚
事修飾為加前此歲比不登
民有饑色而於縫縷裂紵誦

聲微久不能振起科第即欲
繪圖布策非所以潤太平昭
盛事也受事以來夙夜冰兢
加意教養近幸豐年屢慶物
阜民安其士子亦蒸蒸庠序
間登覽書者聯翩接踵余即

不敢妄貪天功亦庶幾可告
無罪迺不禁躍然曰表彰文
物鼓吹休明其在此時乎且
余家平陽與此州同隸古三
晉之地居恒觀載籍覽輿圖
猶思一至其域翫其風景披

其往事考其人物矧余待罪

於晉則將以身視晉以家視

晉凡晉之疆域山川土田貢

賦人民物產以及典禮風俗

猶米鹽薪水之必須檢點手

足耳目之必須愛護也兼之

名賢繼起藝苑新馳營建用
增廢置有故聞聞見見月異
而歲殊於茲忽焉弗覈畧焉
弗備坐今文獻無徵興革失
據余滋愧焉此晉志之修所
以不能已於今日也郡學生

劉子士麟博學有史才余乃
令網羅放失續輯成書而余
亦謬為乘書大約敘事務詳
以當錄善務缺以實意寓勸
懲文追典雅於以表彰文物
鼓吹休明不誠有餘裕乎至

於有疆域則思所以安靖之
有山川則思所以封濬之有

土田貢賦則思所以正其經

界而緩其催科有人民物產

則思所以安其田里而節其

用度俾典禮愈明僭風俗益

淳熙興革利於蒼生文獻登
諸

國史此允余所憊憊加意而深
媿未逮者用以告夫後之君
子
皆

康熙三十九年庚辰季夏

賜進士出身奉直大夫知晉州
事安邑康如璉誤

晉志跋

晉有志志且備矣奚續為續志云
者取諸其曰新者志之云爾曰新
則曰盛曰盛則薪積棟充而不可
勝窮坐聽其敬佚而詳於古者今
獨略矣接踵以紀載而彰於今者
後斯傳矣然則編摩曰富而文獻
未徵洵非繼起不為功我

郡侯康公以名進士來蒞吾晉又道
化成德澤方日新而未艾也以興
除言則新開者幾何利新墜者幾
何弊以教養言則新造者幾何士
新濟者幾何民且也名賢懿宦新
顯者幾何蹟制作文藝新燦者幾
何章孝行節義新表者幾何閭更
樓神祠橋梁寺觀新建者幾何工

其昭昭在四履中者不啻月異而
歲不同矣於茲缺焉弗載畧焉弗
詳匪但晉乘方來之事淪沒於荒
烟蔓草而不可稽即我

公日新之德澤亦將何以昭示千萬
世而與天地同不朽乎矧

公簿書之暇畱意典籍殷殷焉以續
成晉志屬之末學余小子仰承

德意敢不夙夜皇皇網羅放失以庶
幾編摩勿墜而文獻永存也乎顧
自念才學謏劣識見踈陋管窺蠡
測懼弗克負荷重任至於臧否人
物又生平所矜慎而不敢輕談者
此續志所以難也所幸者年未荒
遠事存輿論惟是虛公延訪謹嚴
採擇是非務存其真矧核明歸於

當一伸楮落筆間而興除之新猷
蓄馬而教養之新效昭焉且達者
之新蹟秀者之新章以及旌表之
新範鼎建之新工無不較若刻眉
瞭若指掌焉則余小子藉以揚曰
新之德澤而晉秉方來之事不至
淪沒於荒烟蔓草者其在斯乎若
云遠追鄉先正魏收諸人而竊附

於不刊之書則吾豈敢

肯

康熙庚辰歲日躔寔沈之次

郡後學劉士麟謹撰

補刊晉州志序

郡邑之有志備載風土人情
所以光前徽而垂後鑑也鼓
城紀乘自

國朝康熙三十九年重修後迄
今百有餘歲歷時久而日就

湮沒即有起而欲修輯者失

所據依何由紹往緒以示來

茲乎林自乙卯冬承乏晉邑

見所藏郡志版頗多殘缺漫

漶不能卒讀每於公餘之暇

謀諸薦紳苑子世亨揚子直

驛覓得舊志二函互相印證
各有脫簡維時簿書鞅掌軍
需倥傯未及攷訂爰屬廣文
謝子膺祺覈對編次全帙悉
仍舊志未嘗增損於其間其
體畫間有模糊者亦未敢擬

以臆見竊取夏五郭公之義
闕疑卽以示信也歲次己未
捐廉鳩工補刊庶幾往蹟猶
得以存焉至今昔沿革之不
同治績人材之可採者有待
績修則俟諸後之君子

嘗

咸豐十年歲次庚申知晉州

事浙東朱寶林撰

續志姓氏

續纂

晉

州

知

州康如璉

修恭山西安
邑人其戍

叅訂

儒

學

學

正韓

蘅

韓岩山西蒲
州人

訓

導張

棠

鄂園鹽山人

州

判何士開

文先江南休
人

吏

目鄭祖儀

伯一浙江山
陰人

叅閱

詹

事

府

正

字紀

灃

澤九郡人庚
戌進士

候

選

縣

丞張雲程

新九邵人

已

郊

科

舉

人秘

奏

廣揚郡人

續編

廩

生劉士麟

郡人

採訪

廩

生苑登朝

郡人

凡例

一志有綱有目倣史體也舊志雖分十卷款項未嘗條貫詳悉今立爲十大綱其目次分類標記義嚴而例悉綱舉而目張非徒便檢閱亦以宏體格也

一各款前有引端後有按斷方具體裁舊志每多闕畧茲則逐款增補自分蹈夫僭妄之罪要亦感時觸事聊以寄箴規而備勸戒也

一舊志附載三屬邑蓋取體統相維之義今因百年殘缺一旦修補卽本境尚艱蒐求越境更難

採取且各屬邑俱有專志未免滋贅故槩爲刪之

一志秩官初欲倣春秋大書特書分賢否以立褒貶恐未必盡悉徒傷厚道如有功德於民及政蹟可據者於各名下略綴數語以示褒也若年近暨見任者姑俟論定補續

一先哲直書其名卽史例臨文不諱之義凡志皆狀非云僭越

一孝義節烈風化所關明神宗以諭悉因舊志今之增入者憑父老公舉以行舉數實非敢私意

去取

一古今藝文幾於充棟不便槩載取其有關政治風化百世不可磨滅者方敢入選非競娥眉之妬不肯假人實重青錢之選期于傳世

一道釋寺觀原屬異端凡志俱皆詳載未必無意是帙置諸簡末嚴左道也

一是書告成其間聘幣供給剗刷工費不假協濟不派民間卽一棗一楮當事者俱出自俸薪遵功令惜民力也

一足帙自明萬歷初年壽梓垂今已百祀矣狀典


章文物大半湮沒今雖採摭成編第聞見多狹
蒐訪未備而逸文遺事不無掛漏大雅達觀幸
其鑒諸


後學關永清識


圖經

昔周禮大司徒以天下土地之圖周知方輿廣輪之數而追地
圖以辨地物則土訓掌之凡以國封域謹侯度也晉當燕趙之
交古稱鼓子國嗣是沿革靡常而三邑竝隸然圻界錯落為
犬牙之制莫不各有微意歷茲土著習知險阻而達其道路夫豈無
建縣國之長策者耶於是撰次圖經俾居狀四履如視諸斯凡在境
者竝得麗述云


城內圖








城外圖



百

河山圖



龍崗

河潭

龐家莊

胡十庄寨


清水河

鼓吹


洲頭村

新河道

石口美







晉州志目錄

第一卷

區別地里

圖經

沿革

疆域

星野

形勝

山川

古蹟

邱隴

風俗

附歲時
俗禮

第二卷

紀錄建置

城池

公署

學校

壇祠

坊表

市集

村堡

附舖舍

津梁

第三卷

締覈貢稅

戶口

田賦

附里社

土產

第四卷

宏宣典禮

朝賀

祀典

第五卷

評騭秩官

官寮

教職

第六卷

歷稽選舉

爵第

賞貢

例監

武肅

吏胥

第七卷

表章先獻

仕籍

附薦

宦業

第八卷

採綴藝文

誥勅

紀述

題詠

第九卷

闢揚風化

孝行

節義

貞烈

第十卷

通紀事蹟

事紀

道釋

寺觀

晉州志卷之一

沿革

昔太史公作史表年以例事取其屐卷知終始也蓋郡邑自秦漢而後時勢所趨更易靡常則畫野分疆不能如故晉自禹貢定冀州之域時代屢遷分屬無定至今河山風景尚有足徵可歷紀之以開叙述之端上下數千百年奚啻近在矚也庶觀者得有所攷云

夏

禹貢冀州之域

周

并州之域

春秋

鼓子國晉荀吳襲鼓卽此

戰國

趙地名下曲陽

秦

屬鉅鹿郡

西漢

爲下曲陽縣

東漢

屬鉅鹿郡

魏

屬鉅鹿郡

晉

改屬趙國

後魏

改爲曲陽縣屬鉅鹿郡

北齊

廢

後周

廢

隋

開皇中置晉陽縣屬定州尋改爲鼓城縣屬趙郡

唐

初屬薊州大曆三年改屬恒州後屬鎮州

五代

屬鎮州

宋

改屬祁州

金

屬祁州

元

初改爲鼓城等處軍民萬戶府中統辛酉改置晉州始此轄鼓城等四縣

明

洪武初隸北平布政司永樂初直隸京師以鼓城省入隸正定府編戶二十一里領安平饒陽武強

國朝

仍舊隸正定府編戶屬邑俱因之

論曰禹貢九州表山川以定經界千古不移迨
後世代遼邈不知更幾廢置彙而序之瞭若指
掌是在移風易俗者與化俱新漸被久而風氣
開景運復而人文盛庶于治道有裨益與

疆域

職方掌九州之辨尚書載三土之分欲體國而
經野宜正位以明方晉雖褊小而區畫界限秩
狀有倫猶古侯封之遺軌焉故爲之列其槩

四正

東界東鹿縣魏伯店三十五里抵縣七十里

西界藁城縣西張村一十五里抵縣四十里

南界晉縣司馬村七十里抵縣一百里

北界祁州三馬村七十里抵州一百里

四隅

東南抵深州九十里

西南抵趙州八十里

東北抵深澤縣四十里

西北抵無棣縣三十里

東北抵京師五百四十里

西北抵定府九十里

東西廣五十里

南北袤八十里

論曰疆以經野亦以域民也道里詳則可以稽
置郵之遲速遠近悉則可以徵政教之後先分

上親民守令莫切焉雖狀志唐之地里者必曰
德不足則莫能守攷五代之職方者必曰德不
足則莫能容是知申畫郊圻慎固封守實有賴
於保釐之賢者豈徒恃夫形勢也耶

星野

古今之說天官家言之鑿鑿互相刺謬容齋洪氏曰十二國分野上屬二十八宿其爲義多不狀至引晉天文志衛分野屬并州魏分野屬益州証其謬亂大約度宿分於黃道黃道遷於歲差有躔度移易因天運變者有川流遷徙因地勢變者有建置分隸因人事變者不能以一定泥之且州縣分野皆統於郡縷析之不得也余不喜星家侈談天象此地凡律歷大一靈臺保章諸書復不備姑存其大畧云

燕畢散爲冀州分爲趙國晉郡乃其屬地帝王世
紀云自胃七度至畢十一度曰大梁之次今趙分
漢志云趙地昴畢之分野一定志云正定入畢
千三度常山入昴五度中山入昴八度信都入畢
三度安平入畢四度趙郡入畢八度以此推之晉
當在畢之六度云

論曰星學失傳天道茫昧自唐宋來諸家論撰
大畧沿襲惟簡一行兩界之說爲近而所入度
數各有不同大都以昴畢爲趙分亦無庸惑矣
夫觀文察變救政序事聖王之所不廢者今卽

其分書之以俟夫敬天勤民者攷焉

形勝

自古王者立國必設險以守之是以周列職方
司險之革史載金城湯池之固蓋以形勝之用
爲大也茲取其有據者備列之

山川秀麗邗鄱平夷

見一統志

大行西望瀛海東連鉅野長河屯軍運艘

見正定府志

四郊平夷滹水遶流並接沙滋同會滄溟

見正定府志

圖經

鼓山聳翠滹水環清背倚恒嶽肘扼陸川

見舊志

北邇京師南控諸省撫瀛洲之肩黛遶畿輔之藩

屏

見舊志

星分昴畢躔二十八宿大梁之次地界趙燕踞三

十一城道里之中

今志

論曰衛國在於養民形勝未可盡恃也故孔論
足兵必先民信孟言地利不如人和良有所見
今晉地四郊平衍沃野相連形勢勝矣而其
急需者民信人和耳君子可不知所先務乎

山川

昔壤盡目平沙絕無名山大川以供流覽雖志
稱左接瀛海右擁太行俱非肘腋間物惟鼓山
西峙滹水南遶可稱一方勝槩覽茲紀載庶幾
其可觀云

鼓城山在州西五里卽廢鼓城縣故址雖係土阜壁
立可愛

滹沱河在州南關外發源於山西太原府繁峙縣秦
戲山西南七十五里至代州又南六十里至故
縣又東北六十里至忻州又東五十里至定襄

縣又東南七十里至五臺縣又東南八十里至
孟縣自孟縣入正定府靈壽縣又東南六十里
至正定府又東九十里至本州去城數武縈紆
如帶漫入東鹿安平饒陽武強至直沽達於海
國朝順治十二年南徙由藁城南彭村經木州洲頭
村北吊魚臺龐家庄胡士庄寨入東鹿縣百尺
口橋歸清水河並行

論曰山川鍾靈聖喆挺生晉雖四野平沃不見
崗陵起伏而忠孝賢豪代不乏人蓋坤靈之所

鍾彰彰也

古蹟

陵谷有變遷時勢有興廢惟遺跡則不朽蓋遊
亭勝槩手澤遺蹤出于賢人君子之所留故久
而不能泯也吊古尋幽思其人而論其世亦未
必無所補云

舊鼓城在州治西五里因改縣爲州空閑基址明
洪武四年知州沈中創建城隍廟宇廟中有前
知縣遺愛碑今廢

臨平城在州境內見魏書

下鄉城在州境內見魏書

昔陽亭在州境內見東漢書

鼓聚在州西漢書晉荀吳滅鼓昔陽亭卽此

留箭鏹營在州南五十里故老相傳漢光武爲大
司馬時與王郎交戰師行至晉境夜行迷路忽
見一兔引弓射之兔帶矢而遁奔追里許遽失
其踪覓至浮屠但見其鏹鏹中于石碑遂駐營
見箭簇在石刻佛身上至今號射兔處曰石佛
兔其營曰留箭鏹其剝曰留箭寺其碑無文其
簇入碑寸許鐫刻始脫其孔蹟至今猶在焉

凍河頭在州治東十八里漢光武與王郎交戰長

至下曲陽傳聞王郎兵追在後將至滹沱河候
吏還曰河水流澌無船不可濟帝使王霸往視
之霸恐驚衆卽詭言曰水堅可渡遂前至河河
水亦合乃渡未畢數騎而水解

京觀在州治廢鼓城縣七里後漢皇甫嵩攻黃巾
賊張角第寶于下曲陽獲首十餘萬於此因築
爲京觀

白果塔在州西北三里許自宋元間相傳塔下有
一古井泉水湧溢常爲民患時有遊僧號白果
道人駐於井傍因化磚石鳩工甃塔而壓之塔

座四方高廣約數丈餘其中空虛圓如覆鍾內鑿一石佛身長八尺飾以金碧立于井上足跣鑄道人之出處歲久剝落莫考其顛末外臺座上甃以蓮葩三層高一二尋常有鶴巢其頂自生自育經年如故宣德八年知州顧謨捐俸重修至今居民無患莫不懷道人之大德云

蓮花池在州北二里許丁家庄昔爲州之勝覽今淪沒見大明一統志

五龍井在州城東門外宋乾德中鑿井口徑廣一尋甃爲八角以象八卦四時澄澈有五龍廟遇

印隴

功存社稷名垂天壤千載凜凜有生氣後人瞻
印隴而起敬者良心之不泯耳我晉印隴數封
皆古先賢列盛德衣冠之所藏也今雖爲土厥
名不朽故列而表之

漢將軍紀信墓碑

在州東關外明嘉靖己酉知州黃明良立

唐鄭國公諡文貞魏徵墓

在州治西南五里明宏治年間被滹水淤沒嘉
靖己酉知州黃明良立墓碑崇正年間復淤沒

蒲州刺史崔瑀墓

在州治南五里封護國昭惠王今湮沒有元教
授任毅撰廟碑

元朝散大夫保定路總管同知封汝南伯齊守忠墓
在州治東北十五里許有墓碑

明中憲大夫南京都察院右僉都御史恒山張璿墓
在州治西北二里許賜進士出身資善大夫南
京禮部尚書前左右侍郎開州端溪王崇慶撰
墓誌銘

誌曰公諱璿字仲齊別號恒山正定晉州人也

先世有諱伯達者居郡城之北曰新庄生榮榮以紅巾盜起避地他出國朝平定乃復歸業榮生信狀俱弗仕信生子男三季曰名矩者是爲恒山之父云矩碩有隱德飭躬勵行尤崇義讓封文林郎浙江道監察御史追贈大理寺左寺丞妣苑氏雅稱內助封孺人追贈宜人蓋生恒山公者也恒山兄第二人長諱瑜仕至山西岢嵐州知州恒山生而聰慧英發自爲兒童時卽有大志年十四入郡庠刻勵數年一時並遊者咸推讓之他日戶曹李君夢陽見其文輒大驚

異卽以魁選期之 孝廟甲子果發解正德戊
辰舉進士己巳考侍御史第一再考實授復居
第一臺卿屠公瀟指所試獄詞曰是固書生乃
有老吏筆如此尋掌道事會邊帥馬澄奏討隣
衣公上疏劾之風采動朝宁未幾巡茶陝西會
逆瑾扇虐凡官秦地者必先納交其親識族屬
公獨以有義有命一切拒之莫敢以私干者時
將官曹雄結姍于瑾珮征西大將軍印厥子入
京過陝城撫按潘臬多趨承者公畧不爲禮雄
子啣之肆毀于瑾使人伺察者三卒無所得幸

未復巡按山東時大盜劉六劉七掠諸省成
東爲甚臺中被差者多假告而去公則慨然請
行至則傲下請郡縣治城池練兵士屢詰察爲
守禦計巡歷所及則必問民疾若去吏貪殘復
請蠲賦稅表忠烈東人爲之語曰吾何幸得更
生也巡撫張鴈任清卜公乃棘之宰執有欲
庇之者公因再疏其言動之非文移宰執
雖甚怒鴈竟罷去左轄姜洪廉正人也不能諂
事舊按陸姓者陸遂劫其年邁皆安公力與自
之朝論爭傳其疏聞人谷大用偕兵賊謾無

成力公疏陳三事一曰罷征未果二曰冗兵太多三日事權不一蓋捐宦者爲地方害也上嘉納之尋詔大用廻無何賊出東萊境上會僉事許達牛爲及邊將劉暉許太等會共迎之公爲分命把截指授方畧賊始遁去遂劾各官怠緩縱弛者俱蒙罰治賊平撫鎮以奏捷會公曰叅官吾職也至于奏捷卽謂公事吾或時各是借象以邀賞也遂不具奏識者以爲知大體後以論功有白金文綺之賜奏西還京事戊春值乾清宮災公率同僚御史練陳八事曰還宮闈復

司香 朝御經筵掣邊軍去番僧革皇店謹
濫功言極剴切上雖未納亦不之罪既而復差
南畿提學是時學政寬弛富室宦家子弟濫名
庠校者甚衆及就試之多曳白者公子是嚴條
約公勸懲革浮靡振篤實雖勢豪無復假借相
老石公以爲嚴毅公明陳天臺以來鮮比司馬
王公則以雷電之震日月之明許之若乃蘊松
士人則又以神明稱故門下多名士乙亥轉大
理右寺丞丙子丁父母憂已卯免喪轉左寺丞
嘉靖壬午總制侍郎臧公鳳疏薦大同巡撫不

果旋轉右少卿贊佐大理後先五年叅駁罔縱

鄉長或少徧徇公卽反覆辯諭必歸于是而後

已癸未轉右僉都御史巡撫夏首劾總兵之

退怯者諸將三軍莫不凜命慶庶人臺宏先倡

寘鑑之變漏網幸免于誅流惡邊陲正德以來

撫斯地者莫敢誰何公至赴訴者盈庭乃憤怒

剪其枝葉漸及根株庶人始有惧意又以謀復

護衛奏下禮兵二部以賄賂將開端移文勘報

公據法以聞事遂寢庶人憾之陰結官犯謀爲

不軌公卽具疏叅奏聽候勘處庶人復奪門出

城馳入西域借欲攻王和帝公速令總兵官和
勦統軍進搆罪人于是就擒公以其反狀奏！

遣中官憲臣往勘庶人徯圖救援勘官利之動
爲掩覆公與總鎮亦因有提解之命既而獲庶
人納賄私單目錄總鎮喜曰持此上聞助逆者
更復何說公曰柰何爲此敗滿朝縉紳乎遂引
火焚之比至京仰賴聖明洞察乃廢台蓋爲庶
人而公仍還原職西夏士人感公遏亂之功爲
建生祠肖像舉祀焉及嬰變故後百念淡然遂
上疏乞歸旣歸日侍兄太守公田園觴咏若將

終身兩京臺諫諸君子皆先後薦于朝南垣
司諫九仞章日上疏謂台涖之惡不減宸濠恒
山之功不下王守仁狀當國者受庶人賄若罔
聞知公論惜之已丑詔求耆舊南北言官劉世
揚周煦等一時交薦乃起爲南京都察院提督
操江公至乃振紀綱勤校閱嚴緝捕明賞罰官
吏畏威樂于因循者若以爲過先是上之建立
四郊公協都御史萬公鏞上疏忤旨遂奪俸南
禮部侍郎黃綰恃寵貪污爲御史張寅劾之黃
卽奏辯且自陳議禮功並示其背刺盡忠報國

四字以希感動上志寅復劾其罔上行南吏
部都察院勘焉尚書某謂黃背實有字非欺罔
也公正色曰原其刺字之意始欲得美官今欲
幸免國法不能抑彼尚欲誣正人乎尚書然狀
寅得薄譴方相臣張孚敬觀政大理也建議大
禮張以書示公謂廷尉鄭公岳曰張言未可誣
也及其柄用遂感公爲知己且諷示欲耶薦援
公因善辭之自是吏曹推山西巡撫北臺副憲
大理卿河道侍郎凡屢疏俱不果用張實尼之
也張旣罷相李老相繼之嘗出送王太宰瓊文

中有大德大才大功之語公乃笑而弗言李殊
有愧色既而貪聲大著公益薄之因與絕交給
事中徐俊民黃鄉人也深恨發黃之奸投隙乃
劾公不能捕盜箠軍官疏入李默喜其合己
蓋自是恒山回籍矣會長郎今饒守君以工部
郎署過家乃率諸從兄弟及諸孫捧觴膝下公
及其兄太守滄溪公懼甚且謂彼忘我者將以
去官爲辱安知我天倫之樂如是耶由是釀酒
栽花治田種圃日惟從事娛老又嘗自慰曰坐
上客下滿尊中酒不空吾當不讓孔北海矣

已詔復冠帶戊戌詔許致仕兩京部院大臣及
臺諫多連疏薦之者方擬起用乃辛丑冬十一
月偶感風寒遂成喘嗽藥投罔効延至壬寅夏
四月二十九日卒于正寢公生于成化丁酉正
月三十日實享年六十又六云惜哉恒山敦薦
持正言笑不苟教家甚嚴接人有禮事父母克
稱孝敬愛兄睦族毋嘗下堂傷足公與邵宜人
晝夜侍側憂形動止衣不解帶者凡三月餘當
公巡茶西行瑾例公差不得過里公星夜馳省
而母疾愈瑾亦卒莫察及亦天地神明默相之

歎入仕三紀子孫儉素如寒士懸車十五六年
未嘗一私謁公府是亦可以觀公之大較矣所
著有家藏集東巡錄撫錄若干卷配邵氏封
孺人進封宜人有賢孝行先公三年卒子男二
長集癸未進士歷官饒州知府剛介有父風次
臬郡庠生拔貢太學慧敏有才文章名海內先
其母兩月卒女二長歸任中選憲副子太學生
俛俱邵氏出次許保定宋大叅子大儒側室李
氏出孫男三長燭州學生集之子次煖燻臬之
子孫女五長歸平定呂憲副之子承詔縣學生

岡在室乃今遣使來問志仍復銘之銘曰

儀哉儀範恒山之精粹乎論議渟水之清夫惟
守定是以見明夫惟積厚是以振英佳見天錫
溥海知名夙學天賦文苑蜚聲俛仰戊辰轡馬
聯行上林看花風日和晴光景幾何存亾嬰情
堂堂宇宙赫赫風霆古三弗朽史有公評

叅政呂正墓

在州北一十五里北白水村西賜進士出身奉
直大夫晉州知州吳郡沈公林撰墓誌銘

成化壬寅歲予來爲晉州至則聞晉之縉紳陝

西右叅政呂公之賢名于時蓋未識公也後二
年公以本年引歸第予始識之因獲與遊而稔
觀其爲人果副所聞心甚敬重之又二年而公
以疾卒葬有日嗣子鏗狀公之行實一通介學
正王景連訓導李匡王寵來請銘予惟公方嶽
重臣不朽之託宜屬史筆顧予何人而敢當哉
辭之再四而王景連輩之爲之請也不置因又
念予與公相得雖晚而辱公見愛實深於公之
卒蓋嘗屢出涕矣則今茲葬也能無一言乎是
又不得而終辭者乃應諾爲按其狀併以所見

聞者而具論之公歸正字玉端別號覺齋其先
鳳陽人也洪武初曾大父文客遊正定之晉州
因士著焉相成繼之父傑由國子生選徽州倉
大使公以貴贈南京刑部浙江司主事母劉氏
贈宜人繼母董氏昆仲四人公行若二自幼秀
穎不凡父任徽州時公年方十五六實德行因
學于徽其師閩人黃貴見公進學可畏曰此子
異日名士也比歸補州庠弟子員文譽日起儕
輩俱讓出一頭地而公猶不自以爲足也愈益
奮勵問學而遭家空窮短褐不完雖薪水之勞

亦躬執之狀處之恭朕曾不以是而少懈其志
里人以爲難焉正統甲子遂以書經領鄉薦明
年乙丑登進士第拜刑部貴州司主事尋一本
貫鳳陽迨例改戶部福建司丁內外艱終制景
泰甲戌調南京刑部浙江司天順丁丑陞山西
按察司僉事成化庚寅陞浙江按察司副使嘗
董織造坐幣惡左遷貴州布政司右叅議真子
陞今職初公在刑部時不久未及有所爲旣改
戶部鈞考出入剗革弊病卓有能名其在南京
刑部治獄詳明聲稱益著尚書楊公于屬官少

所許可獨嘉公之才嘗會南京總督糧儲缺都御史及本部廣東司缺郎中皆以公論薦于朝當路尼之識者恨焉爲僉事尤以洗冤澤物爲心凡疑獄賴公而明者甚衆嘗進表京師會朝廷勅吏部舉監司之賢者賚以寶鈔半酒蓋特恩也時冢宰王公所舉甚精與者七人耳而公其一焉在浙江雖以幣惡受譴狀幣實不惡及謫命下卽怡狀就道初不計貴之爲遠藩也至則加意撫循民咸德之陝西一省地當邊陲恒戍重兵用防外侮惟糧儲爲重務公之爲叅政

也實似墮書董其事以其故孜孜盡心區畫
備至巡歷郡邑無閒遐邇嘗暑行得疾幾殆而
歸志始浩然矣公爲人端正廉潔平生未嘗干
謁權倖以希進視貨財若汙穢故更歷中外官
皆積歲課最以得而清白之操始終如一日云
事親至孝親沒後恒以不及養爲恨每遇忌辰
必却酒肉處昆衆友愛尤篤與人交久而能敬
自奉甚約狀樂于周人之急不計貲之有無好
讀書比老不倦尤喜爲詩教子姓諄諄惟以修
德行義爲山處鄉黨謙而和雖賤士必溫顏色

以待之不以爵自高也家居時歲時鄉飲予必
推請公爲大賓輒避不赴居第密邇州治未嘗
肯以事至客至必置酒器連盡歡而退時幅巾
藜杖率朕乘輿而出引鄉之故舊徜徉於林野
間以自適其爲人尤修飭博雅予每于政暇請
公相對竟日見公容節莊謹畧無傾側倦惰之
態而談論滾滾出入經史間及于人情世故亦
皆後生晚輩之所當知者令人厭狀心服不能
捨以去也公卒于成化丁未二月六日距生永
樂辛丑正月五日得年六十有七屬纊之際進

諸子于前處分家事甚悉且曰歛我必以深庭
治喪必以古禮毋用浮屠法汚我也娶劉氏贈
宜人繼亦劉氏俱有淑德子男四長卽鐘州學
生次錡醫學典科次鈗國子生次鎧女一早逝
孫男四淳渭淮瀚孫女四俱幼墓在城北白水
村之原葬以卒之年三月二十一日銘曰

懿此呂公維時之彥奮自賢科德美自見入官
部屬出入方面操守才敵人咸欽羨晚節早圖
乞身強健奄其不存崇綱是竈我作

銘並用表厥善庶卽後人有徵文獻

監察御史苑恪墓

在州東北沙頭村父士誠封君有嘉議大夫吏部左侍郎蕭山魏驥撰墓表

岢嵐州知州張瑜墓

璿之兄在左有資政大夫戶部尚書前都察院右都御史定興王堯封撰墓誌銘

監察御史呂秉燹墓

在州南楊家營有同罷友人恒山張璿撰墓誌銘

涿州知州秘自謙墓

在州東北二十五里常管村

寶司卿韓相墓

在州東北五里宿村

平涼府同知秘業捷墓

在州東北二里趙村

慶陽府同知秘業廣墓

業捷胞弟

衡州知州朱咸慶墓

在州南五十里大尚村

河南按察司使盧慎言墓

在州南十五里古兒村

臨潼縣知縣高明墓

在州西北十五里于家庄

寶慶府同知周鳳翔墓

在州東二十五里磐石村

江南當塗縣知縣韓玕墓

在州東北五里宿村之西南

徵仕卽西城兵馬司副指揮雲生紀從龍墓

在州北三十里耿庄村東南進士出身文林卽

深澤知縣廬陵賀世封撰墓誌銘

康熙乙卯夏六月丙陸兵馬司副指揮紀公以疾卒於廣東之潮州越明年丙辰冬十一月其子進士君灑官京師始聞訃哀痛致絕徒跣旋里余時初令深澤以同譜誼相與哭於其家蓋丁巳二月也越明年戊午其長子廩生潘徃扶柩歸力營兆域葬有日乃狀公之行實一通介其親知鄉貢士張君篤之來請誌若銘嗟乎余與公子交最深若翁即吾翁無一言以彰泉下恐卒即庸敢以不文辭公諱從龍字雲生世居晉州之耿正厥祖諱孔書哲家業隆盛號萬石

明鄉里不計入以太學生授浙江龍泉縣主簿有聲蹟生子三次曰太宇即雲生公之父弱冠食廩餼崇道義尚氣節德業文章表表一時公其仲子也性孝友與伯兄同侍父疾衣不解體者累月及卒哀毀骨立幾滅性以母趙孺人在堂需甘旨竭力孝養無幾微遺憾焉先是公配翟孺人隨妝資教百金公奉父暨兄取用畧盡無私蓄既而析居惟讓兄無顧慮兄率訓撫遺孤如己子公負姿聰穎讀書一覽成誦經史百家靡不綜貫好左國及秦漢故為文雄健高

疑成一家言髫齡拔萃食餼上庠每試輒冠軍
時諸弟姪暨從遊數十人執經問字多成就著
科名者屢赴棘園厄於數康熙乙未領歲薦之
元時督學使程公大加欣賞有空群之目入成
均復受知大司成 公譽望益彰無何考

授一職非本志也嘗嘆曰吾究心此道三十餘
年而艱於科第豈非命耶於是輟不應試惟日
為子弟暨諸弟子課讀衡文所著有四書箋註
書經箋註多先儒所未發遠近學者競傳誦受
業焉公為人敦厚樂施於友急難所求必應有

宗氏子流落為人奴為稱貧贖歸弗責償焉更
變故憑凌薦至輒以和忍自處居家守寒素不
務生殖衣租食淡宴如也乙巳授廣東潮陽縣

二尹抵任值歲儉地接海濱百姓流移督撫將
按邊縣例撥夫供應慮其逸先期拘繫五百餘
人公以需役過多且未役而民重困自邑長暫
釋歸農既而按邊者不至民獲全海門將創營
房千餘間當事者遵公至之清蠹弊均勞苦工
竣而軍民不擾因命攝饒平篆饒俗刁悍難治
公至禮學校緩征徭寬刑罰饒民大悅

新令

且至秋稅未輸遂停征以待之民相謂曰公仁而庶無耗羨後恐難繼乃相率輸納不絕去之日送者數萬人作德政圖以記無何饒令又缺百姓奔走請上願借紀侯公署饒前後一載餘饒民始終愛戴云甲寅丙陸西城兵馬司副指揮忽值耿逆之亂倉皇北歸行至府又值劉逆反叛路梗竄居民舍薪米不繼遂憤悒成疾而卒享年蓋六十有七云元配翟氏贈孺人有賢孝行濟南府同知翟公諱化儒女繼配張氏封孺人庠生張公諱國維女子四長潘藻生次漢

先生次濡以癸卯解元登庚戌進士讀書中秘
次泗業濡有文名女一遣庠生堯天成公子灝
孫男五瓊林玕林桂林琨林俱庠生瑾林業武
公生於故明萬曆己酉年十一月初五日卒於
皇清康熙十四年乙卯六月十八日葬以卒之五年

三月 日銘曰

維公挺出溱水之陽文學德行積厚流光乃誕
鳳雛一羽先揚哦松宦業海國名彰遭時變亂
幽憤神傷孤忠歆恨遘厲云亡綱常在郡奚戀
故鄉悠悠泉壤奕世凝香

論曰昔秦人攻齊有令敢近柳下惠墓五十步
樵者死嗟嗟展禽誠賢泉臺不復春矣而人猶
敬之如此乃知賢豪雖往生氣猶存若世之生
而汲汲死而漠漠者可勝浩嘆乎

風俗 附先風時俗禮

風作于上俗成于下移風易俗端有繫于長民者晉俗素淳甲于他郡以今視昔雖稍不逮大都頗直尚義務本力農其俗猶稱善焉司風者因其機而利導之庶復古之有漸與

性緩尚儒仗義任俠

通典

丈夫相聚游戲悲歌

地里志

質厚少文多專經術

宋志

婚姻喪葬交相爲助

郡志

勤耕織樂輸納好祈禱信鬼神

舊志

人性淳朴風氣果敢士重科第民樂耕桑市井者
文若勝於菴田野者質若勝於文賦崇道義尚廉
耻忠孝名世詩禮傳家君子之所長趨芬華競誇
誕富貴驕人馮藉傲物細民之所短舊志

論曰昔穎俗尚奢而後婚喪以禮者延壽之所
教也漳俗尚佛而後百姓不敢望僧廬者晦翁
之所變也蓋習尚趨于時而移易在于道起弊
以維風容非司化者之責乎

歲時附

正月元日晝焚爆竹設庭燎香奠牲饌祀祖先

禮神親友文賀三四日乃已茄春餅取迎新也
上元張燈放花烟前後三夜十六日男女群遊
曰散百病二十五日以五穀雜灰畫地爲廩因
形曰填倉

二月二日煮秫爲糜漶調之爲醋質曰醋膠以
灰撒牆壁下如縷由室內達戶外曰引龍用避
蝮毒又用麥豆麵合汁作煎餅謂可薰虫

三月寒食日祭墓標楮錢增塚土清明日士女
簪柳爲鞦韆戲

四月八日戴槐芽

五月五日人各戴艾葉食角黍婦女多戴艾虎
兒童背腕繫彩絲名百歲索親友交餽王瓜魚
黍之類

六月六日造麩伏日造醬

七月七日女子設瓜果祀織女乞巧十五日
麻穀於門奠墓

八月中秋親友餽瓜果餽賞月

九月九日女家作棗糕餽婿曰追節登高賞菊
釀黍爲酒

十月一日剪楮爲寒衣焚祭墓所

十一月長至日親友互爲拜往

十二月八日以五穀雜棗粟等爲粥曰臘八粥
童男髡髮童女黔耳二十三日祭竈二十四日
掃舍除日易門神桃符貼宜春字及春聯爆竹
撒芝麻糶於地曰跣歲多嫁娶親友圍爐聚飲
曰守歲

俗禮附

婚

結姻之始先以媒妁女家意許婚二家各索男
女庚帖令陰陽家推其宜否曰合婚旣吉男家

乃請親友二人曰水翁往女家求婚女家許婚
男家乃擇吉通以書啓女家亦擇吉答之嗣是
男家畧備幣帛簪珥之儀擇吉倩水翁將至女
家曰行媒將親迎男家先期擇吉盛陳聘儀於
女家曰行禮女家亦先親迎一二日送粧奩於
男家曰鋪床至親迎期男家擇僕婦中有夫有
子及屬象無犯者二人曰娶女客從新女婿昧
爽往新婦家綵結肩輿導以鼓吹肩輿後以銅
錫瓶注水塞其口而倒繫之使水可涓滴下曰
長流水義取親戚往來不絕也又以杞柳爲圓

紙置肩輿，新女至使抱而進，義取發夫蚤立子且多男也。親迎禮用雁，或以蒼鵝代之。俗多用鷄，曰長命鷄。新婿至，婦家主人設酒饌，以盃箸私授從者，令携歸。曰帶富。婦家於女子于歸之前一夕，親屬皆酌以酒，曰送行。亦擇僕婦二人如婿家，曰送女客。新婦出閣，蒙以紅錦，曰蓋頭，以避凶煞。由閣門至輿，所皆藉以氈毯。義取不踐貧地，平貧音近也。新婦升輿，下輿皆先令陰陽家擇所向，以趨吉。新婦至男家，以馬鞍橫

於中門使跨而過義取安也入門卽以織機中所云勝子者授之新婦意取盛也新婦所歷亦藉以瓊璣柱碣石臺皆剪紅紙貼其上曰避白虎內庭置几案設香供新婦入夫婦同詣案前再拜曰謝天地隨拜祖先拜畢新婦乃入房女侍爲新婦粧曰開臉粧成乃謁見公姑陳衣服巾履爲贊退婿乃就新婦房飲酒曰合卺是日親戚皆餽娶婦家以食物曰餽諺曰下車飯翼日拜伯嫂及伯叔公姑皆以巾履贊是日親戚皆來娶婦家作賀三日婿乃抵新婦家拜其父

母曰謝親是日新婦之外祖家賀新婿以羊酒
曰啓帳隨請新婿新婦至其家新婦歸自外祖
家乃拜外戚屬亦以巾履贊伯叔公姑外戚屬
皆答以儀物曰拜錢六日新婦家請婿及女至
其家曰住六有九日請者曰住九雖貧富習傳
小有異同狀此其大畧也

喪

父母疾危篤移床外庭子孫兄弟環侍旣屬纊
遷於中堂易衣服衾褥納金珠口中卽禮飯含
義也氣絕孝子孝婦環哭以白布作枕枕之鏡

其兩頭實以麥麩名鷄鳴枕俗謂冥途不知分曉耳畔得聞鷄鳴也蒙面以帛繫足以絲卽禮綫足義也命僕者環尸揮扇防尸變也按或者歲數每歲白紙一張每張剪爲三連其末條接下垂以竿繫門外名門旛男門左女門右孝子徒跣孝婦蓬頭夕孝子以楮錢及水漿香供至土地祠焚拜哭而歸名倒頭紙又名還魂錢望魂之復還也俗誤曰黃昏錢如是者三日大歛罷亦有作麵燈數盞列點祠中者名送燈靈案燒長明盞晝夜不息又蒸乾飯一盂掾麥麵數

條如棒置案上將大斂以繩條置於人袖中陰
陽用鎮物置之棺內斂畢開吊親友以便祭奠
及葬日以陰陽生贊禮出殯陰陽生以刀斷桑
枝於門限碎碗名斬喪殯出戶孝子以陶器傾
擲於石名曰摔獻殯既行孝子執旛前導書某
考某妣名引魂旛期功之屬皆同孝子哭送孝
婦從柩後諸戚女婦從諸戚設帳幕酒菓奠於
路名路祭踈親送郊外歸餘皆抵墓隨路撒指
錢名買路錢爲冥器方相旛仗等及墓祠后土
題王窆旣葬奉主歸廟三日復詣墓所奠哭

焚喪服增封土名圓墳小祥大祥皆詣墓奠哭
禫卜日而祭俗多不行但易淡色衣以示卽吉
之義終三月詣墓奠哭乃卽吉

按北人冠禮不行晏會慶賀無甚繁文吉凶兩
禮中惟婚喪爲重或婚者人之始喪者人之終
故獨詳耶或曰俚而細也不知俗禮亦古禮之
變附誌之以考邑俗之風尚云